



1. juli 2014

Inatsisartut Suleriaasianni § 37 naapertorlugu Naalackersuisunut imaattunik apeqquteqar-punga.

(Inatsisartunut ilaasortaq Hans Aronsen, Inuit Ataqatigiit)

Apeqqutit:

- 1. Kangaatsiap eqqaani saarullinnik tunitsivimmik umiarsualiisoqarniarpa?**
- 2. Tunitsivimmik umiarsualiisoqassangippat Kangaatsiap eqqaanilu RAL-ip assartuina fabrikiniik qerisunik sukkatsisinneqarniarpa?**

Tunggavilersuut:

Ukiuni kingullerni Kangaatsiap eqqaani saarullit takkusimaartarnerat annertusiartuinnarpoq, tamannalu aalisartunut minnerunngitsumillu innuttaasunut inuuniarnikkut iluaqusiartortus-saagaluarpoq.

Ullumikkut aalisartut 60-it Kangaatsiami tunitsivimmut tunioraasuupput. Massakkut sapaatip akunneranut ataasiaannarlutik tunisisarput. Taamatullu aalisartitaaneri aalisartumut ataatsi-mulluunniit akilersinnaanngilluinnarpoq allaat aningaasatigut tamanit ajunarutaaginnartumik. Ilaqutaminnik ikiungaqarput aamma allatuulli akilersungaqarput, neriorsuinnarneqaqat-taaginnarsinnaanngillat periarfissanik iluaquserneqartariaqarput.

Kangaatsiami fabrikkiluppallu 20 tons suliarisinnaagaa ulapiffimmilu qeritsitsivik ulluni pinga-suni sisamaniluunniit ulikkaartartoq nassuiaanneqarpunga. Massakkullu aasarissinerani ulluni taakkunani ulikkaaqattaarpoq, tamannalu aalisartunut eqquinerluppoq piaartumik aqqin-neqartarialik.

Paasiniakkakkalu tunggavingalugit RAL-ip assartuina (Anguteq Ittuk) sapaatip akunneranut ataasiarluni Kangaatsiamut nunaqarfinnillu angalasarpoq, qerisunillu fabrikiniit pingasuniit ilaannakortumik tiguisariaqartarsimavoq fabrikiniit tamanit tiguisillattaaginnarluni.

Assartuineq usitunerusumik taarserneqanngikkuni akulikinnerusumik assartuisoqarnissaanik piaartumik aqqiisoqartariaqarpoq.

Naalackersuisut naalackersuisuutitaqartullu qalerallinnarnerinnarmut politikkeqarnerat ajuu-saarnarpallaaqaaq. Kitaani aamma inoqarpoq aalisartunik allatuulli pisariaqartitsisunik.

Saarullit akii sinerissami appariaqqippat naatsorsuutigissavarpullu suli ajornartorsiut angine-rulissasoq, naak suut tamarmik aqqinneqassasut neriorsuutigineqartaraluartoq.

Apeqqutit ullut suliffiusut qulit iluanni akeqquneqarput.